

# La resgia ei setransformada en in zoo

Samuel Inauen ha aviert a Flond ina gallaria cun sias figuras da fier e ruina

DAD AUGUSTIN BEELI

■ **Siu material da basa ei il fier. Il scolast secundar Samuel Inauen da Flond rimna fier veder. El dat veta ad isaglia veglia ch'ei danvonz. Igl onn vargau ha el dau veta ad in entir stabiliment vegl. Igl artist ha transformau la resgia veglia da Flond en ina gallaria per sias figuras legras e scurilas.** Che Samuel Inauen ei in artist han gia numerus visitaders da sias exposiziuns s'encurschiu. Cul buglider, siu instrument principal da lavur, creescha el figuras d'animals. Mintgina ha in num: La Ursula appartegn alla specia «turtulusisus», Aluis ei in «vogulus cum flugus», la Klothilde in «drakus geförlikus» ed il Mario da ruina in «schwanzus rotus». Quellas figuras ed aunc rodond 50 auters objects han anflau in suttert permanent a Flond, ella gallaria Mira-Cheu.

El vitg nua che ses geniturs habiteschan ha igl artist da fier veder encuret in domicil per siu «curtgin zoologic». Quel ei carschiun permanent ils davos onns, ella collecziun sesanflan elefants, drags, flamingos, pivuns, tgauns, uolps e bia auters animals. La resgia veglia da



Pigl unviern ha igl artist procurau ch'els animals da fier seigien a suost. Ella sala d'exposiziun sepresentan els stupent. FOTO A. BEELI

Flond cul mulin integrav ei semussada sco object attractiv per la rimnada d'art. Cun agid da siu bab Peter ha Samuel

Inauen restaurau igl implont bandunau e transformau quel en ina stupenta sala d'exposiziun. Vendergis ha el bene-

ventau ina roscha hospis alla fiasta d'avertura.

Ils biars visitaders da sias exposiziuns

enconuschevan la lavur digl artist. Sia specialitad ein figuras expressivas, mintgina ha in num original, mintgina san ins distinguer ed attribuir tier quella ni tschella specia d'animal. Ella sala d'exposiziun Mira-Cheu han ils visitaders denton entupau il «schwinus fettus», igl «elefantasticus» e la «dichalsa» en cumplignia d'objects abstracts. Quei hagi el entochen ussa buc ughegiu da far, pergei ei plaigi buc a tuts, ha el manegiau viers LQ. En sia gallaria muossa el creaziuns abstractas, objects da fier ch'ei reduci sil minimal e ch'ins sa perquei tutina distinguer. Era novs «maletgs» bugli cun caussas veglias muossa il dun artistic da Samuel Inauen. In tal ei la gruppa «Fritz & Fredi». Ils corps dils tgauns schumellins ein construi cullas combas d'in baun vegl, sco tgaun ha el priu dur sezs veders. Las figuras simboliseschian las valurs, las fermezas e fleiblezas humanas, descriva igl artist sia part abstracta. Ella gallaria remarcabla da Flond harmoniseschan omisduas fuormas d'expressiun: Ils animals da fier han in dormitori d'unviern. Da l'autra vart sedistinguan objects, figuras e maletgs novs e rendan attent al remarcabel svilup d'in artist ch'ei vidlunder da sesvilupar.

## Viseta dils treis sogns Retgs a Medel/Lucmagn

■ **Il di da Buania eis ei gia da vegl enneu usit ch'els retgs visetan mintga casada dalla vischnaunca da Medel. Quei usit ei denton buca mo cheu da casa, noss'entira regiun enconuscha la viseta dils sabis digl orient. Mintgin da nus enconuscha la historia da Nadal, nua ils treis retgs ein suandai la steila tarlischonta al firmament ed ein arrivai a Betlehem avon il pursepen nua il Bambin sesanflava.** Melchior, Kasper e Balthasar senumnavan ils retgs tenor la historia. Nossas vischnauncas suondan pia in usit religius, cun festivar il di da Buania. A Medel ei quei ualti carterel buc auter che en bia autras vischnauncas.

Ils affons dalla 4. classa entochen la 6. classa astgan prender part e presentar a scadin vischin lur canzuns da Buania. Tier nus ein duas gruppas cun mintgama' sis affons sepresentadas ed aunc in'ulteriura gruppa da siat affons.

Gie, era ei buca mo treis retgs? Daco visetan lu pomai sis ni schizun siat cum-pogns nus? Quei dat ei da relatar, per che mintga lectur sa era il pertgei. Ein ils treis sabis fors veramein sefatgs persuls sin in aschi liung viadi per visitar il Bambin? Segir e franc ein ils treis sabis buca suan-

dai persuls ina steila ed han purtau tuts schenghetgs, proviant ed aunc bia outra rauba. Sin in aschi liung viadi han els ualti carterel giu avunda gidonters per buca sezs stuer semudergiar, els eran gie treis retgs! Aschia eis ei era tier nus. Ils treis sabis vegnan accumpigniai dils gidonters e pasturs. Retgs havein nus mo treis che visetan mintga casada, ils auters ein gidonters. Las canzuns tunan era meglioier sche plirs affons contan communabla ed enzatgi accumpogna ils cantadurs cun flauta. Aschia ei pia sclariu daco ch'els retgs visetan nus buca persuls.

Jeu astgel carterelamein pretender ch'els affons separticipeschan a quei usit cun grond plascher.

Cura ch'ins viseta mintga casada en ina vischnaunca sche vegn ei avon empau diltut. In'aneddota haiel intervegniu el discuors culs retgs. Tier la viseta d'ina casada ein els entrai. Tuppamein era il vischin sut la duscha. Tgei far pomai? La canera dils retgs ei denton buca stada zuppentada al vischin. «Mei in stiva e prende il daners ch'jeu haiel pinau per vus sin meisa e lus saveis puspei s'allontanar!» hai tunau sut la duscha ora. Survegnir la paga senza luvrar, quei succeda buca mintga di!

Ei resta mo aunc da menziunar las persunas che segidan ad organisar e procurar per aschi ina biala purschida.

En emprema lingia s'auda in cumpliment alla scolasta Evelina Giger per l'organisaziun e presentaziun da quei bi usit. Era il scolast Adrean Hosang e scolasta Karin Demont ein segidai grondamein. Davos tut quei stat detg bia lavur. Quei emblidein nus meinsvart. Menziunar viel jeu era Maria Venzin da Curaglia. Ella ha cusiu ils vestgius dils retgs, ha quitau da tut ils vestgius ed ulteriuor uorden, lava e caveglia naven tut il resti. Tut quei procura la buna Maria per ina bunamana. Ozildi nua che negin sehona, ni segida pli cul concarstgaun, ei quei bein ina prestaziun admirabla e mereta nies cumplein engraziament!

Igl ei in bi usit. Aschiditg che nus possedein aunc persunas cun in engaschi aschi perschudent savein nus esser segirs ch'els treis sogns Retgs visetan era vinavon nus entuorn Buania. Mo vinavon aschia e vus saveis esser segirs che mintgin da nus appreciescha Vossa lavur e Vossa purschida grondamein. Engraziati fets!

Ciprian Giger



Il treis sabis medelins e lur gidonters. Da seniester: Rita Bearth, Jessica Bundi, Lorena Bundi, Patric Giger, Milena Bundi e Severino Giger.

MAD

## La Compagnia Rossini ha vinavon plans e bia program

■ **(anr/gc) 2005 ei enconuscentameinstaus in onn giubilar per La Compagnia Rossini. Quella formaziun – sortida dils Trubadurs Sursilvans – ha saviu festivar ils 25 onns da sia existenza e vasta activitad.** En la gasetta-casa «Novitads» constateschan ils responsabels – Armin e Lisabet Caduff ed igl entir ensemble – che quei onn giubilar seigi vargaus ella retrospectiva sco in siemi. Els hagian eventmentau con tschaffont ch'ei seigi d'inaga buca mo stuer procurar sez per ils events, mobein d'era vegnir festiva. Aschia hagian els retschiert nundetg biars brevs da renconuschienscha duront quei onn giubilar e seigien fetg engrazievels persuentar. Lur fermezia schai giu vinavon el cantar. E gia han els concertau da Daniev 2006 cun success a Thun ella Surselva benesa ed aschia introduciu in program fetg pulpiu era per 2006.

### Eventiments giubilar

En la revista beinscretta ed illustrada cun gust lai La Compagnia Rossini passar revista ils fatgs ed eventiments principals digl onn giubilar. Cun raschun vegn la biala brochura giubilara, edida per quei giubileum, menziunada gest all'entschatta. Allegai vegnan secapescha era ils concerts giubilara a Sursaiassa, Tann-Rüti e sco culminaziun el KKL (center da congress e cultura a Lucerna) sco l'ediziun d'in 9avel dc. Ell'enzenna dil giubileum ei era la cruschada stada il fenadur vargau sin las pli bialas rutas dalla Mar mediterranea denter l'Europa dil sid e l'Africa. Sin quella ei la Compagnia Rossini vegnida accumpignada dalla Television Romontscha che ha realisau en quei connex ina gronda emissiun retrospectiva davart la formaziun giubilara.

### Armin Caduff – Grischun digl onn

Dalla casa editura Exclusiv ei Armin Caduff vegnius nominaus tras il «Premi innovativ» cun raschun sco Grischun digl onn cun la motivaziun ch'el seigi in dign ambassadur cultural da nies cantun. Quei sco ils numerus resuns sin las occurrenzas giubilaras hagian dau slontsch da cuntinuar – medemamein ils cumpliments che La Compagnia Rossini ha survegniu a scret. Denter quels secattan era a. cuss. fed. Adolf Ogi, Silvia Blocher (consorta da cuss. fed. Christoph Blocher)

e Bernard Cathomas, directur dil Radio e Television Romontscha. Lez constatescha che La Compagnia Rossini hagi merets unics per il svilup e progress dalla cultura da cant en Surselva. Denter ils gronds promoturs dalla giubilara – duront onns – secatta era Hans Estermann, staus in enconuscent rapportader da sport al radio svizzer. Quel hagi intermediu biars concerts ed aschia adina aviert novas portas alla giubilara.

### Pulpiu program era per 2006

Sil program dalla Compagnia Rossini per uonn figureschan gia buca meins che 35 concerts u occurrenzas. La secunda mesadad da fevrer vegn concertau el Grischun. La turnea en nies cantun entschiva ils 17 da fevrer ella halla da tennis a Mustér cun «La magia pil temps d'unviern». Ulterioras staziuns ein: Scuol, Puntraschna, Cuera, Tavau, Landquart e Cazas (Arena). Sin iniziativa e sco commembers dil Club Rotary Flem/Surselva vegn dau in concert da beneficenza en favur dalla renovaziun dalla fassada dalla claustra da Mustér. Sco ulteriuor sustegn per quei intent ha il pictur-artist Rudolf Mirer, da Sursaiassa, empermess ina bellezza litografia.

Vid stad vegn inscena per l'emprema ga «La opera viva» a Sursaiassa. Quella ha liug ils proxims treis onns. 2006 vegn l'opera «I Lombardi», da Verdi, inscenada d'Armin Caduff e sut la reschia da René Schnoz. Igl orchester da Budapest stat sut la bitgetta secumprovada da Gion Gieri Tuor. La premiera ei prevista pils 28 da fenadur e la derniera ils 12 d'uost 2006.

Jamnas da golf e belcanto dat ei puspei cun la Compagnia Rossini alla fin d'avrel/entschatta matg a Bad Griesbach sper Passau (Tiaratudestga). Il medem tema datti tier il turnier da golf e belcanto all'entschatta da fenadur a Sedrun. Ina excursiun romantica offerescha La Compagnia cul bastiment Rossini sil Lag dils Quater Cantuns ils 20 da matg. Quei duei daventar in unic eventiment musical-culinaric.

Il november vegn «La cena è pronta» dada per la 15. gada sin igl Uetliberg el hotel Uto Kulm da Giussep Fry. Concludiu vegn igl onn cul concert da Nadal per il di da s. Stiafen ella baselgia parochiala da Breil.